

清代宦臺人文獻選編 第五種

斯未信齋全集

(六)

徐宗幹 撰

斯末信齋詩錄

斯末信齋詩錄

斯未信齋全集二

詩稿十六卷

卷一

讀父書齋始存草

南陔集

壬申

至丙子

江上集

己卯

車中集

庚辰

卷二

闕里集

辛巳

弦歌集

辛巳

至甲申

卷三

岱南集

上

甲申

至丙戌

目錄

岱南集

中

丙戌

至

戊子

卷四

岱南集

下

戊子

至

庚寅

卷五

岱南續集

庚寅

至

癸巳

卷六

齊右集

上

癸巳

至

乙未

卷七

齊右集

下

乙未

至

丁酉

卷八

清源集

丁酉

戊戌

卷九

濟上集上

戊戌

至庚子

卷十

濟上集下

庚子

辛丑

卷十一

返魯集

辛丑

壬寅

卷十二

蜀山集

癸卯

甲辰

卷十三

閩海集

甲辰

乙巳

卷十四

讀父書齋後集

丁未

卷十五

閩海後集

丁未

至

甲寅

卷十六

周甲再生集

乙卯

至

巳未

斯未信齋詩錄卷一

讀父書齋始存稿

南通州

徐宗幹

伯楨

南陔集王申至丙子

補亡效東廣微作

南陔

惟彼南陔上有菁茅繫念庭除罔游於郊彼其之子侍於
堂坳進爾旨酒備爾嘉肴惟彼南陔厥草芬芳彼其之子
柔順爲良繫念庭除罔離於鄉進爾旨酒備爾餼糧有雀
有雀在園之樹爭枝啄肉迴翔反顧嗷嗷歸鴉倦飛待哺
養而不敬禽鳥並數勉加爾誠以綿其祚

白華

白華玉粦生於水汜皎皎賢士如礪如砥省身無違不忘
怙恃白華丹葩在溪之涯藹藹吉士美而不瑕行芳志絜
勉勉於家白華紫莖其葉青青瑩瑩處士無慮無營莫之
緇磷美哉如英

華黍

霽霽瑞露灑灑甘霖麥秀隴首秧抽水心黍稷皆播螟蠹
莫侵浩浩蒼穹津津沃壤嘉穀旣豐田祖斯享黍稷皆登
稗莠莫長稼言以嫁穡言以嗇其家穰穰其耜旻旻積我
君倉富我民國政通時和王猷恤恤

由庚

平平由庚庶物遵之熙熙衆類我王均之民之旣遵化之

既均樹穫於秋草榮於春獸游野牧魚戲水濱三時毋害
八風咸和景星有兆雲漢無歌六氣不戾四序允迪勉勉
我王繼文之績

崇邱

仰彼崇邱樹林陰翳動物斯蕃植物斯藝皇風既普聖緒
相繼浩浩其天蕩蕩其地化無不周澤無不被物遂其生
人樂其利悠悠大圜茫茫廣土煦嫗覆育功匪小補人無
怨咨物有扶樹

由儀

穆穆君子由儀達道明明我后仁義爲寶魚潛于澗禽聚
于園揚燾振翮載游載騫臣敬爾位主渥其恩物之成矣

有初有終內昭文德外輯武功

遊仙用郭景純韻七首

人生瀛海內塵世受羈縻譬如斥鷃鳥歛翮傍蒿萊比之
蜉蝣生薺榮易枯蕘閒覽列仙傳抗懷萬仞梯入山有衛
子奔月惟羿妻緱嶺或乘鶴金華曾牧羝安得霄漢上昂
首與天齊

予遊嵩山巔遇一羽衣士問客從何來來自丹臺裏得毋
安期生或疑陵陽子爲吾誦丹經洗淨箏笛耳修焉狂飈
飛吹捲塵沙起羽士忽不見空山石齒齒蹇脩宜自勤安
用尋漢使

海蜃化爲雉羽翼翻新鮮野雀變爲蛤吐氣近神山脈望

生書簡鞠通出琴弦此身有凡骨安得洗心泉薄言采鍊
永丹竈煖浮烟偓佺誰結侶王喬孰比肩員嶠與方丈拱
峙千萬年

劉仙登梅峯思與風塵謝長房學壺公不辨春與夏從來
求仙人辟穀隨幻化雲螭爲之車風馬爲之駕豈向紅塵
中城市結廬舍控御鸞鶴羣振策聽呼叱

博覽山海際舉足躋上游洪波排空起中有魚吞舟日暗鏡沉影
濤飛珠亂投攬衣不敢進颯颯風欲秋瞥見金銀闕高臨萬里流
六甲藏靈符不爲柏梁災織羽豈凡鳥瑤草非田萊雲霞
騰五色金碧擁樓臺幔亭排鳳翼玉醴挹螺杯洪崖遙揮
手容成獨支頤仰望接三島俯瞰臨八埭鶴骨兼松貌千

詩集
齡如童孩王烈洵異士許邁真奇才
漢武未升虛燕昭空鍊魄汗累須消除秉質求粹白亦足
稱地仙堅比千年柏服日復餐霞未識幾朝夕蔬水苟安
身奚必瓊瑤液容膝得盤桓異境在泉石況復得鵬程卽
是青雲客

五君詠效顏延年作

原韻

阮步兵

阮公愛沉醉識量恢瀕洞屬文無苦思詠懷多善諷遊山
遇異人歸家避庸衆世途豈終窮胡爲長抱慟

嵇中散

中散通靈士本非偶俗人居室獨養靜入洛共稱神彈琴

寫襟抱採藥甘隱淪當與驂鸞並肯比駑馬馴

劉叅軍

劉伶好潛藏淵嘿人罕見軒蓋心無貪文繡目豈眩酒德
可頌揚由來耽樂宴韜精寡語言卓然風規見

阮始平

仲容妙絕時至性鍾靈秀竹林快遨遊銅尺辨節奏山公
雖屢薦君王未一覲太原有知音始平曾出守

向常侍

向秀暢元風游心在竹素漆園集名篇山陽思舊句藥竈
鍛鍊精灌林桔槔舉嵇呂爲同心河內留歌賦

勵志詩用張茂先韻